



Қазақстан Республикасы
Стратегиялық жоспарлау
және реформалар агенттігі
Ұлттық статистика бюросы

Сапа бойынша есеп

2024 жылға өнеркәсіптік кәсіпорындардың өндірістік-техникалық
мақсаттағы өнімдерді сатып алу бағасының индексі

Мазмұны

- S.1 Байланыс деректері
- S.2 Өзектілік- кіріспе
- S.3 Метадеректерді жаңарту
- S.4 Статистикалық ақпаратты ұсыну
- S.5 Өлшем бірлігі
- S.6 Есепті кезең
- S.7 Құқықтық негіз
- S.8 Құпиялылық және деректерді қорғау
- S.9 Жарияланымдар саясаты
- S.10Тарату жиілігі
- S.11Тарату форматы, қолжетімділік және нақтылық
- S.12Құжаттаманың қолжетімділігі
- S.13Сапаны басқару
- S.14Өзектілік
- S.15Дәлдік және сенімділік (байқау түрін ескерумен толтырылады)
- S.16Уақыттылық және ұқыптылық
- S.17Салыстырмалылық
- S.18Келісушілік
- S.19Жүктеме
- S.20Деректерді қайта қарау
- S.21Статистикалық деректерді өңдеу
- S.22Ескерту

S.1 Байланыс деректері

S.1.1 Ұйым

Қазақстан Республикасы Стратегиялық жоспарлау және реформалар агенттігінің Ұлттық статистика бюросы (бұдан әрі - Бюро)

S.1.2 Құрылымдық бөлімше

Баға статистикасы департаменті

S.1.3 Байланыс адамының аты

Кабыкбаева Малика Сайдулловна

S.1.3.1 Жауапты құрылымдық бөлімше басшысының аты

Департамент директоры Жақыпбекұлы Қуанышбек

S.1.5 Байланыс адамының пошталық мекенжайы

010000, Қазақстан Республикасы, Астана қаласы, Мәңгілік ел даңғылы 8, Министрліктер үйі, 4-кіреберіс

S.1.6 Байланыс адамының электрондық мекенжайы

m.kabykbaeva@aspire.gov.kz

S.1.7 Байланыс адамының телефоны

+7 7172 749287

S.2 Өзектілік-кіріспе

Сатып алу бағасының индексін құру мақсаты өнеркәсіп кәсіпорындары аралық өнім ретінде сатып алған ішкі өндіріс, сонымен қатар импорттық өнімдердің (тауарлар) мен қызметтердің бағасын есепке алатын оны сатып алу сәтінде өндірістік-техникалық мақсаттағы өнімдерге баға өзгерісінің шамасын өлшеу болып табылады.

Сатып алу бағасының индексі өнеркәсіп кәсіпорындарына өндірістік процесс үшін қажет және олар сатып алатын өндірістік техникалық мақсаттағы өнімдерге бағалардың өзгеруін сипаттайды.

Сатып алу бағасы – қосымша құн салығын, көлік, сауда-өткізу, делдалдық және басқа да шығыстарды есепке алумен өндірістік-техникалық мақсаттағы нақты өнім (қызмет) түрінің бағасы.

Сатып алу бағасының индексі 1996 жылдан бастан қалыптастырылады.

Сатып алу бағасының индексі негізгі агрегаттарды анықтау мақсатында (жалпы жинақтауды есептеуде, материалдық және айналым құралдарының қорларын қайта бағалауда) Ұлттық шоттар жүйесінің қажеттіліктеріне жауап береді.

Бұл баға өзгерісі туралы деректер пайданы талдау және өндіріс факторлары мен дайын өнімге баға серпінінің қатысын анықтау үшін қолданылады.

Бюрода әлеуетті пайдаланушылар мен респонденттер, мүдделі мемлекеттік органдар, сондай-ақ «Атамекен» ҰКП өкілдерінің қатысуымен жұмыс топтарының (фокус-топтар) отырыстары өткізіледі, онда жалпымемлекеттік статистикалық нысандардың көрсеткіштері ведомстволық статистикалық нысандар мен әкімшілік деректер нысандарының көрсеткіштерімен қайталануын болдырмау және олардың өзектілігі тұрғысынан егжей-тегжейлі талданады.

S.3 Метадеректерді жаңарту

S.3.1 Жаңартылған метадеректерді соңғы растау

S.3.2 Метадеректерді соңғы орналастыру

30.12.2024

S.3.3 Метадеректердің соңғы жаңарту

30.12.2024

S.4 Статистикалық ақпаратты ұсыну

S.4.1 Деректерді сипаттау

Өнеркәсіптік кәсіпорындардың өндірістік-техникалық мақсаттағы өнімдерді сатып алу бағасының индексі Қазақстан Республикасының облыстары бойынша, экономикалық қызмет түрлері бойынша, өнім түрлері бойынша, сатып алу арналары бойынша, салыстыру кезеңдері бойынша (есепті ай өткен айға, өткен жылғы желтоқсанға, базалық жылға, ай және есепті кезең тиісті айға және өткен жылғы тиісті кезеңге) есептеледі.

S.4.2 Жіктеу жүйесі

Өнеркәсіптік кәсіпорындардың өндірістік-техникалық мақсаттағы өнімдерді сатып алу бағалары мен баға индексітерін құру кезінде пайдаланылатын жіктелімдер:

ЭҚЖЖ - «Экономикалық қызмет түрлерінің жалпы жіктеуіші» Бюроның www.stat.gov.kz интернет-ресурсындағы «Негізгі» / «Статистикалық жіктелімдер» / «Ұлттық» бөлімінде орналастырылған;

ӨӨСЖ - «Өнеркәсіптік өнімдердің (тауарлардың, қызметтердің) анықтамалығы»,

АШӨСЖ - «Ауыл, орман және балық шаруашылығы өнімдерінің (көрсетілетін қызметтердің) анықтамалығы» Бюроның

www.stat.gov.kz интернет-ресурсындағы «Негізгі» / «Статистикалық жіктелімдер» / «Анықтамалық» бөлімінде орналастырылған.

S.4.3 Секторалдық қамту

Өндірістік-техникалық мақсаттағы өнімдерді сатып алу бағасының индексі «Экономикалық қызмет түрлерінің жалпы жіктеуішіне» (бұдан әрі – ЭҚЖЖ) сәйкес өнеркәсіп қызметінің қандай да бір класында жұмыс істейтін бірліктерден өнімдерді сатып алу бағасының өзгерісін көрсетеді.

ЭҚЖЖ-ға сәйкес өнеркәсіптік қызмет В «Тау-кен өндіру өнеркәсібі және карьерлерді қазу», С «Өңдеу өнеркәсібі», D «Электр энергиясымен, газбен, бумен, ыстық сумен және ауаны кондициялаумен жабдықтау».

S.4.4 Статистикалық тұжырымдамалар және анықтаулар

1. Өндірістік-техникалық мақсаттағы өнімдерді сатып алу баға өзгерісін Бюроның www.stat.gov.kz интернет-ресурсындағы «Өнеркәсіптегі өндірушілер бағаларының индекстерін құру әдістемесі» «Негізгі» / «Статистика» / «Экономика» / «Баға статистикасы» / «Әдіснама» бөлімінде жүзеге асырылады.

Әдістемеде келесі анықтамалар пайдаланылады:

- 1) агрегаттау – төменгі деңгейдегі экономикалық көрсеткіштерді барлық кейінгі деңгейлерде едәуір ірі жиынтықтарға агрегаттау;
- 2) бағаның базистік кезеңі – қарапайым агрегаттар есебінде бағалар баға арақатынасының бөлімінде көрсетілетін кезең;
- 3) базалық объект – байқауға және ондағы бағаларды тіркеуге іріктелген заңды тұлға;
- 4) жіктелім – қабылданған белгілеріне сәйкес ұқсастықтары мен өзгешеліктері бойынша көптеген объектілерді топтарға бөлу;
- 5) ерекшелік – бағаны тіркеу үшін іріктелген жеке тауарды (көрсетілетін қызметті) сәйкестендіру үшін қолданылатын суреттеме немесе сипаттамалар тізбесі;
- 6) индекс салмағы – олардың жалпы жиынтығында әрбір жеке элементтің маңыздылығын көрсететін шама;
- 7) өкіл тауар (көрсетілетін қызмет) – тауардың (көрсетілетін қызметтердің) сапасы мен негізгі тұтынушылық қасиетіне әсер етпейтін болмашы өзгешелігімен (бөлшек) ерекшеленетін және тұтынушылық белгісі бойынша біркелкі тауарлық топтағы тауар (қызмет) түрінің белгілі бір түрі;
- 8) өндіруші кәсіпорын бағасы – өнімнің өндірушіден сатып алушыға дейінгі қозғалысына байланысты қосымша құн салығы, акциздер, сауда және өткізу-үстеме бағасы, көлік және басқа да шығыстар есебінсіз, оның «кәсіпорын қақпасынан» шыққан сәтінде өткізілген өнім бірлігінің бағасы;

- 9) өнеркәсіптік кәсіпорын – өнеркәсіптік өнімдерді өндіретін және өндірумен айналысатын, өнеркәсіптік қызметтерді жүзеге асыратын заңды тұлға немесе оның құрылымдық бөлімшесі;
- 10) салмақтардың базистік кезеңі – құндық көрсеткіші баға индекстерінің салмақтық құрамдарын анықтау үшін ақпараттық негіз ретінде қызмет ететін кезең (әдетте жыл);
- 11) салмақтау – жиынтық көрсеткіштерді алу үшін индекстік есептеулерде қолданылатын және тікелей қосындылауға жатпайтын әртүрлі тауарлардың өлшемдестігін қамтамасыз ететін рәсім;
- 12) салмақтау сызбасы – стандартты жіктелімге сәйкес агрегаттаудың барлық сатылары бойынша анықталған өнімдер, тауарлар, көрсетілетін қызметтердің нақты түрлері салмағының жиынтығы;
- 13) сатып алу бағасы – қосымша құн салығын, көліктік, сауда-өткізу, делдалдық және басқа да шығындарды есепке алғандағы өндірістік-техникалық мақсаттағы нақты өнім (қызмет) түрінің бағасы;
- 14) іріктеме – статистикалық деректерді жинау және өңдеу кезінде пайдаланылатын, бекітілген жіктеуіштер, номенклатуралар мен анықтамалықтардан жеке айқындамалар.
2. Деректерді жинау құралдары - «Өндірілген өнеркәсіп өнімдер (тауарлар, көрсетілетін қызметтер) бағасы және өндірістік-техникалық мақсаттағы өнімдерді сатып алу бағасы туралы есеп» (индексі 1-ЦП, кезеңділігі - айлық) жалпымемлекеттік статистикалық байқаудың статистикалық нысаны.
- Статистикалық нысан Бюроның www.stat.gov.kz интернет-ресурсындағы «Респондеттерге» / «2024 жылғы статистикалық нысандар» / «Айлық нысан» бөлімінде қолжетімді.

S.4.5 Статистикалық объект

Сатып алу бағасының индексі үшін статистикалық объект – барлық меншік нысанындағы, түрлі ұйымдық-құқықтық нысандағы өнеркәсіптік өнімдерді өндірумен айналысатын және өнеркәсіптік сипаттағы қызметтерді көрсететін, географиялық, салалық қамтуды және нарық ерекшеліктерін ескерумен, базалық объектілердің іріктемелі желісі.

S.4.6 Бас жиынтық (зерттеу бірлігінің іріктеу қағидаты)

Өндіруші кәсіпорындардың өнеркәсіп өнімдерге (тауарларға, көрсетілетін қызметтерге) бағасына және өнеркәсіптік кәсіпорындардың өндірістік-техникалық мақсаттағы өнімдерді сатып алу бағасына жалпымемлекеттік статистикалық байқау базалық объектілердің, өнімдердің (тауарлардың, көрсетілетін қызметтердің) іріктемелі жиынтығы арқылы жүзеге асырылады.

Базалық объектілердің іріктемелі жиынтығы географиялық, салалық қамтуды және нарықтық ерекшеліктерді ескере отырып құрылады. Базалық объектілердің іріктемесін қалыптастыру үшін бас жиынтық ретінде статистикалық бизнес тіркелімінің деректері қолданылады.

Базалық объектілерді іріктеу зерттелетін экономикалық қызметтің түріне және ондағы жұмыспен қамтылғандар саны бойынша өнеркәсіптік кәсіпорындар өнімділігіне қарай қолданылатын жаппай және іріктемелі әдістерді құрамдастыру арқылы жүзеге асырылады.

Жаппай байқаумен кен өнеркәсібі салаларының ірі және орта өнеркәсіп кәсіпорындары, табиғи монополиялар саласындағы өнеркәсіп кәсіпорындары және өндірістік сипаттағы қызметтерді көрсететін өнеркәсіп кәсіпорындары қамтылады.

Өңдеу саласының ірі және орта өнеркәсіп кәсіпорындарын іріктеу кезінде «өндірілген өнім мен көрсетілген қызмет құнына» негізделген байқаудың іріктемелі әдісі қолданылады. Шағын кәсіпорындар өздері шығаратын тауарлар жалпы экономикалық қызметтің түрлері бойынша экономикалық көрсеткіштерді құрудың негізі болса, олар іріктемеге қосылады.

Іріктеменің оңтайы көлеміне жалпымемлекеттік статистикалық байқау үшін айқындалған материалдық-техникалық ресурстардың, өнімнің негізгі топтарын барынша ықтимал қамтуымен базалық объектілерді іріктеу кезінде қол жеткізіледі.

S.4.7 Аумақтық қамту

Қазақстан Республикасы облыстар, республикалық маңызы бар қалалар.

S.4.8 Қамту уақыты

Өнеркәсіптік кәсіпорындардың өндірістік-техникалық мақсаттағы өнімдерді сатып алу бағасының индексі 1996 жылғы қаңтардан бастап қалыптастырылады, 1996 жылдан бастап қазіргі уақытқа дейінгі уақыт қатарлары бар.

S.4.9 Базалық кезең

Базалық кезең әр бес жыл сайын ауыстырылады. 2011-2015жж. базалық кезең 2010ж. желтоқсан, 2016-2020жж. – 2015ж. желтоқсан, 2021-2025жж. – 2020ж. желтоқсан болып табылады және т.с.

S.5 Өлшем бірлігі

Пайыз

S.6 Есепті кезең

Ай

S.7 Құқықтық негіз

S.7.1 Құқықтық база

1. «Мемлекеттік статистика туралы» Қазақстан Республикасының 2010 жылғы 19 наурыздағы №257-IV Заңы;
2. Қазақстан Республикасы Статистика агенттігі төрағасының 2010 жылғы 9 шілдедегі №173 бұйрығымен бекітілген. Респонденттердің алғашқы статистикалық деректерді ұсыну қағидалары (Қазақстан Республикасы Әділет министрлігінде 2010 жылғы 8 қыркүйекте Нормативтік құқықтық кесімдерді мемлекеттік тіркеудің тізіліміне №6459 болып тіркелді); Қазақстан Республикасының заңнамасында белгіленген тәртіппен
3. Бюро басшысының бұйрығымен бекітілетін Статистикалық жұмыстар жоспары;
4. Бюро басшысының бұйрығымен бекітілетін Ресми статистикалық ақпаратты тарату графигі;
5. «Өнеркәсіптегі өндірушілер бағаларының индекстерін құру әдістемесі», Қазақстан Республикасы Ұлттық экономика министрлігі Статистика комитеті төрағасының 2016 жылғы 31 мамырдағы № 98 бұйрығымен бекітілген.

S.8 Құпиялылық және деректерді қорғау

S.8.1 Құпиялылық саясаты

1. «Мемлекеттік статистика туралы» Қазақстан Республикасының 2010 жылғы 19 наурыздағы № 257-IV Заңының 8-бабына сәйкес респонденттер ұсынған деректердің құпиялылығы және қорғалу кепілдіктері қамтамасыз етіледі;
2. Қазақстан Республикасының 2015 жылғы 29 қазандағы № 375-V Кәсіпкерлік кодексінің 28-бабы коммерциялық құпияны құрайтын ақпаратты қорғауды қамтамасыз етеді;
3. Бюро басшысының 2021 жылғы 10 ақпандағы № 20 бұйрығымен бекітілген Ақпараттық қауіпсіздік саясаты (бұдан әрі – Саясат) Бюроның ақпараттық қауіпсіздікті қамтамасыз ету саласындағы мақсаттарын, міндеттерін, басшылық қағидаттары мен практикалық тәсілдерін айқындайды. Саясаттың негізгі мақсаты ресми статистикалық ақпараттың қолжетімділігін, Бюроның есептеу техникасы құралдарында сақталатын және өңделетін ақпараттың құпиялылығын оның тұтастығы мен теңтүпнұсқалығы шартында қамтамасыз ету болып табылады.

S.8.2 Құпиялылық - деректермен жұмыс істеу

Қазақстан Республикасы Статистика агенттігі төрағасының 2010 жылғы 2 шілдедегі № 168 бұйрығымен бекітілген Деректер базаларын сәйкестендірілмеген түрінде ғылыми мақсаттарда ұсыну және пайдалану қағидалары (Қазақстан Республикасының Әділет министрлігінде 2010 жылғы 13 тамызда № 6388 болып тіркелді).

S.9 Жарияланымдар саясаты

S.9.1 Жарияланым күнтізбесі

«Мемлекеттік статистика туралы» Қазақстан Республикасының 2010 жылғы 19 наурыздағы № 257-IV Заңының 26-бабының 1 және 2-тармағы;

2025 жылға арналған Статистикалық жұмыстардың жоспары мен Ресми статистикалық ақпаратты тарату кестесі Мемлекеттік органдардың бірыңғай порталында қолжетімді www.gov.kz «Мемлекеттік органдар» / «Басқалар» / «Қазақстан Республикасы Стратегиялық жоспарлау және реформалар агенттігі» / «Бюро» / «Құжаттар» бөлімінде.

S.9.2 Графикке қол жеткізу

2025 жылға арналған Ресми статистикалық ақпаратты тарату кестесі Мемлекеттік органдардың бірыңғай порталында қолжетімді www.gov.kz «Мемлекеттік органдар» / «Басқалар» / «Қазақстан Республикасы Стратегиялық жоспарлау және реформалар агенттігі» / «Бюро» / «Құжаттар» бөлімінде.

S.9.3 Пайдаланушы үшін қол жеткізу

Ресми статистикалық ақпарат ресми статистикалық ақпаратты тарату графигіне сәйкес статистикалық жұмыс жоспарында көзделген көлемде таратылуға жатады.

Мемлекеттік статистика органдары пайдаланушыларға сапалы ресми статистикалық ақпаратқа және статистикалық әдіснамаға бір мезгілде қол жеткізуге тең құқықтарды Бюроның www.stat.gov.kz интернет-ресурстарында орналастыру арқылы.

Бюроның www.stat.gov.kz интернет-ресурсындағы «Негізгі» / «Статистика» / «Экономика» / «Баға статистикасы» бөлімінде.

S.10 Тарату жиілігі

Ай сайын

S.11 Тарату форматы, қолжетімділік және нақтылық

S.11.1 Жаңалықтарды жариялау

Жарияланбайды

S.11.2 Жарияланымдар

«Қазақстан Республикасының өнеркәсіп кәсіпорындарының өндірістік-техникалық мақсаттағы өнімдерді сатып алу бағасы мен баға индексі» электрондық кестелерінде республика бойынша баға деңгейі және республика бойынша және өңірлер бөлінісіндегі барлық кезеңдер бойынша баға өзгерістері туралы деректерді қамтиды.

Ақпарат Бюроның www.stat.gov.kz интернет-ресурсындағы «Негізгі» / «Экономика» / «Баға статистикасы» / «Электрондық кестелер» бөлімінде қолжетімді.

S.11.3 Он-лайн режимдегі деректер базасы

«Талдау» АТЖ <https://taldau.stat.gov> «Баға статистикасы» бөлімінде.

S.11.3.1 AC1. Деректер кестесі -кеңестер

Іске асырылмаған.

S.11.4 Микродеректерге қолжетімділік

Қазақстан Республикасы Статистика агенттігі төрағасының 2010 жылғы 2 шілдедегі № 168 бұйрығымен бекітілген Деректер базаларын сәйкестендірілмеген түрінде ғылыми мақсаттарда ұсыну және пайдалану қағидалары (Қазақстан Республикасының Әділет министрлігінде 2010 жылғы 13 тамызда № 6388 болып тіркелді).

S.11.5 Өзге де

Жоқ.

S.11.5.1 AC 2. Метадеректер – кеңестер

Іске асырылмады.

S.12 Құжаттаманың қолжетімділігі

S.12.1 Әдіснама бойынша құжаттама

«Өнеркәсіптегі өндірушілер бағаларының индекстерін құру әдістемесі», Қазақстан Республикасы Ұлттық экономика министрлігі Статистика комитеті төрағасының 2016 жылғы 31 мамырдағы № 98 бұйрығымен бекітілген (Қазақстан Республикасы Әділет министрлігінде 2016 жылғы 29 маусымда № 13845 болып тіркелген). Ақпарат Бюроның www.stat.gov.kz интернет-ресурсындағы «Негізгі» / «Әдіснама» / «Баға статистикасы» бөлімінде қолжетімді.

S.12.2 Сапа бойынша құжаттама

1. Бюро басшысының 2020 жылғы 16 қарашадағы бұйрығымен

бекітілген Сапа саласындағы саясат;

2. Қазақстан Республикасы Ұлттық экономика министрлігі Статистика комитеті төрағасының 2015 жылғы 30 наурыздағы № 53 бұйрығымен бекітілген Мемлекеттік органдардың статистикалық ақпаратты түзу үдерісін сипаттаудың үлгілік әдістемесі;

3. Қазақстан Республикасы Ұлттық экономика министрлігі Статистика комитеті төрағасының 2018 жылғы 23 мамырдағы № 63 бұйрығымен бекітілген Ресми статистикалық ақпараттың сапасын бағалау әдістемесі;

4. Бюросы басшысының 2024 жылғы 19 наурыздағы № 2 бұйрығымен бекітілді. (Қазақстан Республикасының Әділет министрлігінде 2024 жылғы 20 наурызда № 34168 болып тіркелген). Әкімшілік деректердің сапасын бағалау қағидалары.

S.13 Сапаны басқару

S.13.1 Сапаны қамтамасыз ету

Баға статистикасы бойынша деректердің сапасы және анықтығы жалпы қабылданған рәсімдермен құпталады:

- алғашқы есепке алудың негізгі принциптерін сақтау;
- тауарлардың, өнімдердің, көрсетілетін қызметтердің стандартты статистикалық жіктелімін пайдалану;
- алғашқы деректерді жинау және өңдеу кезеңдерінде бақылаудың барлық схемалары (форматтық-логикалық, арифметикалық, визуалдық) әзірленген және енгізілген;
- алғашқы деректердің анықтығын растау үшін респонденттерден қосымша ақпарат алу мүмкіндігі заңнамалық тұрғыда бекітілді;
- статистикалық деректерге салыстырмалы талдау жүргізіледі (серпінде, әкімшілік деректермен, салааралық);
- бағаны байқау үшін іріктелген тауарлар, өнімдер, көрсетілетін қызметтер және базалық объектілер тізбелерінің іріктемелі жиынтықтарын ротациялау;
- салмақтау сызбаларын жыл сайын қайта қарау;
- агрегацияның барлық деңгейіндегі баға индекстерін есептеу үшін бірыңғай формулаларды қолдану.

S.13.2 Сапаны бағалау

Өнеркәсіптегі өндірушілер бағаларының индекстерін құру әдістемесі Халықаралық еңбек ұйымы, Халықаралық Валюта Қоры, Экономикалық ынтымақтастық және даму ұйымы, Еуропалық қоғамдастықтардың статистикалық бюросы, Біріккен Ұлттар Ұйымының Еуропалық Экономикалық комиссиясы және Дүниежүзілік банкпен бірігіп әзірленген «Өндірушілер бағасының индексі бойынша нұсқаулық: теория және тәжірибе» тиісті

тәжірибесі бойынша қағидаттар мен ұсынымдарды есепке алумен әзірленген. Әдістемені жетілдіру «ҚАЗСТАТ: Ұлттық статистика жүйесін нығайту жөніндегі жоба» шеңберінде өнеркәсіптегі өндірушілер бағасының статистикасы саласындағы еуропа елдерінің тәжірибесін есепке ала отырып қарастырылды.

S.14Өзектілік

S.14.1 Пайдаланушылардың қажеттіліктері

Өнеркәсіптік кәсіпорындардың өндірістік-техникалық мақсаттағы өнімдерді сатып алу бағасының индексі ішкі (статистиканың салалық бөлімшелері), сыртқы (мемлекеттік органдар, экономистер, басқару органдарының және кәсіпорындардың қаржы-экономикалық қызметтерінің қызметкерлері, ұйымдар, ғылыми, кәсіпкерлік және банк қызметкерлері, профессорлық-оқытушылар құрам, студенттер, бұқаралық ақпарат құралдары) пайдаланушылардың кең тобының қажеттіліктерін қанағаттандырады.

S.14.2 Пайдаланушылардың қанағаттанушылығы

Пайдаланушының сауалнамасы Бюроның www.stat.gov.kz интернет-ресурсында «Басты бет» / «Сауалнама» / «Пайдаланушылар сауалнамасы» бөлімінде қол жетімді.

Бұдан басқа, пайдаланушылармен және респонденттермен тұрақты кері байланысты қолдау мақсатында Бюроның 1446 Бірыңғай байланыс орталығы жұмыс істейді.

S.14.3 Толықтығы/ R1. Деректердің толықтығы - үлес

Өнеркәсіптік кәсіпорындардың өндірістік-техникалық мақсаттағы өнімдерді сатып алу бағасының индекстері республиканың барлық өңірлеріндегі іріктемелі статистикалық байқау нәтижелері негізінде есептеледі және 2123 респондент ұсынған деректерден қалыптастырылады. Бұл республикадағы өнеркәсіп өндіріс көлемінің шамамен 70% қамтиды.

S.15Дәлдік және сенімділік (байқау түрін ескерумен толтырылады)

S.15.1 Жалпы дәлдік

Соңғы бес жылғы өнеркәсіптік кәсіпорындардың өндірістік-техникалық мақсаттағы өнімдерді сатып алуының есептелетін орташа бағаларының дәлдігі мен сенімділігін талдау вариация коэффициентін қолдану арқылы жүргізілді.

Вариация коэффициенті - кездейсоқ шаманың салыстырмалы бытыраңқылығының өлшемі. Ол осы шаманың орташа мәнінен кездейсоқ шаманың орташа бытыраңқылығы қандай үлес құрайтынын көрсетеді. Орташа квадраттық ауытқудың мәні

неғұрлым көп болса, зерттелетін мәндердің бытыраңқылығы соғұрлым жоғары және біркелкілігі төмен болады. Вариация коэффициенті мына формула бойынша есептеледі:

$$C_V = \frac{SD}{\bar{X}} * 100\%$$

Мұндағы:


SD – орташа квадраттық ауытқу;

$\bar{X}$ - орташа мән.

Орташа квадраттық ауытқу мына формула бойынша есептеледі:

$$SD = \sqrt{\frac{\sum_{i=1}^n (X_i - \bar{X})^2}{n-1}}$$

Қазақстан Республикасында өнеркәсіп кәсіпорындар сатып алған бидайға орташа бағаның вариация коэффициенті



2020-2024 жылдар кезеңінде өнеркәсіп кәсіпорындары сатып алған бидайдың орташа бағаларын талдау деректер орташа біртектіліктің рұқсат етілген шегінде екенін көрсетті. Бағалардың ең үлкен шашыраңқылығы 2022 жылы белгіленген.

S.15.2 Іріктеме қатесі - индикаторлар/ A1.

Мақсатты іріктемені пайдаланғандықтан бағалау мүмкін емес.

S.15.3 Іріктемемен байланысты емес қате

Іріктемемен байланысты емес қателер есептелмейді.

S.15.3.1 Қамту қатесі

Мақсатты іріктемені пайдаланғандықтан бағалау мүмкін емес.

S.15.3.1.1 A2. Қамтуды арттыру - үлес

Мақсатты іріктемені пайдаланғандықтан бағалау мүмкін емес.

S.15.3.1.2 A3. Жалпы бірліктер - арақатынас

Мақсатты іріктемені пайдаланғандықтан бағалау мүмкін емес.

S.15.3.3 Жауап жоқ болу қателері

S.15.3.3.1 A4. Жауап жоқ болу бірлігі – үлесі

«Шартты» бағаны есептеу әдістері Өнеркәсіптегі өндірушілер бағаларының индекстерін құру әдістемесіне сәйкес қолданылады. Жоқ жауаптардың үлесі есептелмейді.

S.15.3.3.2 A5. Жауап жоқ болу тармағы – үлесі

Есеп жүргізілмейді.

S.16 Уақыттылық және ұқыптылық

S.16.1 Уақыттылық

S.16.1.1 TP1. Күту кезеңі – алғашқы нәтижелер

Алғашқы нәтижелер есепті кезеңнен кейін 7-ші күні жарияланады және түпкілікті болып табылады. Жариялау күні Статистикалық жұмыстар жоспары мен Ресми статистикалық ақпараттарды тарату графигінде бекітілген және жарияланған.

S.16.1.2 TP2. Күту кезеңі – соңғы нәтижелер

Алғашқы нәтижелер түпкілікті болып табылады.

S.16.2 Ұқыптылық

S.16.2.1 Ұқыптылық/TP3

Деректер Бюро басшысының бұйрығымен жыл сайын бекітілетін Ресми статистикалық ақпаратты тарату графигіне сәйкес жарияланады және таратылады. Жариялау мерзімі Бюро басшысының бұйрығымен жыл сайын бекітілетін және Қазақстан Республикасының Әділет министрлігінде тіркелетін Статистикалық жұмыстар жоспарында белгіленген.

Нақты және жоспарланған күндер сәйкес келеді, 2024 жылы жарияланым мерзімінің бұзылуы болған жоқ. Егер жарияланым демалыс немесе мереке күндеріне түссе, жарияланымдарды шығару келесі жұмыс күніне ауыстырылады.

S.17 Салыстырмалылық

S.17.1 Географиялық салыстырмалығы

Қазақстан Республикасы аумағының шегінде.

S.17.1.1 Ағындардың айналы статистика бойынша ассиметриясы – коэффициент/СС1

Жоқ.

S.17.2 Салыстырылатын уақыттық қатарлардың ұзақтылығы/СС2
Өнеркәсіптік кәсіпорындардың өндірістік-техникалық мақсаттағы
өнімдерді сатып алу бағасы және бағасы индексінің динамикалық
қатары салғастырмалы және 1996 жылдан бастап үзіліссіз.

Бюроның www.stat.gov.kz интернет-ресурсындағы «Негізгі» /
«Статистика» / «Экономика» / «Баға статистикасы» /
«Динамикалық қатарлар» бөлімінде жарияланған.

S.18 Келісушілік

S.18.1 Сыртқы келісушілік, айқасқан


Өндіруші кәсіпорындар бағасы индексі құру әдіснамасының
негізгі тәсілдері Халықаралық еңбек ұйымы, Халықаралық
Валюта Қоры, Экономикалық ынтымақтастық және даму ұйымы,
Еуропалық қоғамдастықтардың статистикалық бюросы, Біріккен
Ұлттар Ұйымының Еуропалық экономикалық комиссиясы және
Дүниежүзілік банк әзірлеген «Өндірушілер бағасының индексі
бойынша нұсқау: теория және тәжірибе, 2004» қағидаттары мен
ұсынымдарын ескерумен алумен келісілді және әзірленді.

S.18.2 Ішкі келісушілік

Өнеркәсіптік кәсіпорындардың өндірістік-техникалық мақсаттағы
өнімдерді сатып алу бағасының индекстері және өнеркәсіп өнімін
өндіруші кәсіпорындардың баға индекстері ішкі келісілген болып
табылады. Өндіруші кәсіпорындар бағаларының өзгеруінің сатып
алу бағаларының өзгеруімен келісушілігі төменде келтірілген.


Өндіруші кәсіпорындардың бидай ұнын және бидайды сатып алу бағасының өзгеруі

өткен айға пайызбен, өсуі +, төмендеуі -



2023-2024 жылдары өндіруші кәсіпорындардың бидай ұнына бағасының өзгеру серпіні және бидайды сатып алу бағасының өзгеруі ұқсас болды. 2023 жылғы қазанда ауыл шаруашылығы өндірушілерінде бидай бағасының қымбаттауына байланысты бидайды сатып алу бағасының айтарлықтай өсуі байқалды.

Өндіруші кәсіпорындардың тазартылмаған күнбағыс майына және күнбағыстың тұқымдарды сатып алу бағасының өзгеруі



2023-2024 жылдары Қазақстан Республикасында өндіруші кәсіпорындардың тазартылмаған күнбағыс майы бағасының өзгеру серпіні және күнбағыстың тұқымдарын сатып алу бағасының өзгеруі ұқсас болды.

S.19 Жүктеме

Деректерді жинау электронды түрде немесе қағаз жеткізгіште жүзеге асырылады. Статистикалық нысанды электрондық түрде толтыру Бюроның интернет-ресурсында (<https://cabinet.stat.gov.kz/>) «Респонденттің кабинеті» арқылы онлайн режимде жүзеге асырылады, онда респондент үшін әдеттегі енгізу қателерінің болуына жол бермейтін автоматтандырылған арифметикалық-логикалық бақылаулар көзделген.

Ақпаратты өңдеу процестері жергілікті бағдарламалық кешендерді қолданумен автоматтандырылған, кіріс және шығыс ақпаратты бақылау, жетіспейтін деректерді енгізу рәсімдері көзделген.

Басқа зерттеулермен қайталанбайды.

Әкімшілік деректер немесе басқа дереккөздер пайдаланылмайды.

S.20 Деректерді қайта қарау

S.20.2 Деректерді қайта қарау /А6

2024 жылғы қайта жарияланымдар болған жоқ.

S.21 Статистикалық деректерді өңдеу

S.21.1 Бастапқы деректер

Өндірістік-техникалық мақсаттағы өнімдерді сатып алу бағасының индексін құру екі деректер ағынын пайдалануды көздейді: салмақ құрайтындар (салмақтау сызбасы) және сатып алынған өнімдерге бағаның өзгеруі.

Салмақтау сызбасы орталықтан әр өңір бойынша және жалпы республика бойынша қалыптастырылады.

Оның құрылуы байқауға енгізілген экономикалық қызмет түрлерінде сатып алынған өндірістік-техникалық мақсаттағы өнімдердің құндық деректерін бөлуі негізделген.

Өнеркәсіп өнімдеріне бағаның өзгеруі туралы ақпаратты жинау «Өндірілген өнеркәсіп өнімдер (тауарлар, көрсетілетін қызметтер) бағасы және өндірістік-техникалық мақсаттағы өнімдерді сатып алу бағасы туралы есеп» (1-ЦП, айлық) статистикалық байқауының шеңберінде жүзеге асырылады.

S.21.2 Зерттеу кезеңділігі

Айлық

S.21.3 Алғашқы статистикалық деректерді жинау әдісі (тәсілі)

«Өндірілген өнеркәсіп өнімдер (тауарлар, көрсетілетін қызметтер) бағасы және өндірістік-техникалық мақсаттағы өнімдерді сатып алу бағасы туралы есеп» (1-ЦП, айлық) статистикалық нысанды тапсыру электронды түрде немесе қағаз жеткізгіште жүзеге асырылады. Статистикалық нысанды электрондық түрде толтыру Бюроның интернет-ресурсында (<https://cabinet.stat.gov.kz/>) «Респонденттің кабинеті» жүзеге асырылады.

S.21.4 Алғашқы статистикалық деректердің анықтығы

«Мемлекеттік статистика туралы» ҚР Заңының 17-бабына сәйкес респондент статистикалық байқаулар жүргізу кезінде респонденттердің алғашқы статистикалық деректерді ұсыну графигіне және статистикалық әдіснамаға сәйкес анық алғашқы статистикалық деректерді ұсынуға міндетті.

S.21.5 Импутация - үлесі/A7

Импутация Өнеркәсіптегі өндірушілер бағаларының индекстерін құру әдістемесіне сәйкес жүзеге асырылады.

Өнімдерді сатып алудың уақытша тоқтатылуы кезінде сатып алудың нақты бағалары туралы деректер алынғанға дейін «шартты» бағаларды қолдануды қарастырады. Сатып алу бағасы индексінің серпінділік қатарының үздіксіздігін қамтамасыз ету үшін уақытша жоқ бағалық ақпаратқа «шартты» бағаларды есептеудің мынадай әдістері қолданылады:

- 1) соңғы (өткен) тіркеудің бағасын қолдану;
- 2) басқа тұтынушыларда ресурстардың, көрсетілетін қызметтердің ұқсас түрлеріне бағаны қолдану;
- 3) соңғы тіркеудің бағасын және өндірушілер бағасының индексін (өңірлік немесе республикалық) қолдану арқылы «есепті» бағаны анықтау.

S.21.6 Түзету

Қолданылмайды.

S.21.6.1 Маусымдық ауытқуларға түзетулер

Жүзеге асырылмайды.

S.22 Ескерту

Статистикалық деректердің сапасын қамтамасыз ету жөніндегі жұмысты жалғастыру.